

## — 505 —

an Johans Zorn dem man sprach Lappe vnd Cuonen Maler seligen, als die erlagen wurden von den von Friburg vnd den iren, vnd vmb den verlust, den sū vnd herr Bertolt Zorn, dem man spricht schultheiß do genommen vnd getan hant an allen stücken wie die genant sint, da versprechen vnd verbinden wir Claus Zorn, dem man spricht Lappe, ritter, des vorgeanten Johann Lappen seligen vatter, vnd ich Claus Maler ein edelknecht, des vorgeanten Cuonen seligen vatter, vnd ich Bertolt Zorn, ritter, vns von der besserung, totslege, nomen vnd verlustz wegen, so vns geschehen sint, waz die drizehen des lantfriden zuo Elsass oder der merre teil sich vnder in erkennen, an die wir es och zuo beiden siten von beiden teiln kommen sint, daz wir daz stete habent vnd vollesürend, vnverzogenlich zuo den ziten, als es denne die drizehen erkennen. Es ist och beret, daz wir die vorgeanten Claus Zorn, ritter, Claus Maler ein edelknecht, vnd Bertolt Zorn, ritter, vnd och der ander gegenteil, die von Friburg, zuo beiden siten vf den ersten zinstag nach sant Agnesen tag ze nehst, so der lanttag ze Colmer wirt sinde, für die drizehen dar kommen sülent, vnd do zuo vollesürende, als da vor gescriben stat, es were denne, daz die von Friburg von ired friden wegen mit den herren denne ane friden werent, wenne inen denne die drizehen do nach einen tag verkündent, so font sū ir botten vf die tage für sū schifen, doch also, daz sū die drizehen versorgent, daz ir botten zuo dem tage kommen mügent, daz zuo vollesürende, als vor stat bescheiden ane geuerde. Vnd daz diß war si vnd stete blibe, darvmb so han wir Claus Zorn, dem man spricht Lappe ritter, des vorgeanten Johans Lappen seligen vatter, vnd ich Claus Maler ein edelknecht des vorgeanten Cuonen seligen vatter, vnd ich Bertolt Zorn, ritter, vnserre ingesigele gehenket an disen brief, der geben wart an dem nehsten samstag nach sant Hilariantag des iars, do man zalt von gotz gebürt drüzehen hondert ehtwe vnd sehzig iar.

Schreibers Urk. Buch.

33